



# *K*hutba Jummah

HADHRAT MUHYI-UD-DIN AL-KHALIFATULLAH  
*Munir Ahmad Azim*

28 Juillet 2017  
(04 Dhul Qaddah 1438 AH)

***Après ki li fine salué tous so bane disciples (et tous bane Musulmans) entier le monde avec le Salaam - la Salutation de paix dans l'Islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lor « Polémique lor le mot Jihad »:***

Le Vice Premier Ministre (VPM) et Ministre du logement et des terres, Showkutally Soodhun, par so bane langages ki li fine servi lor d'ene célébration de fête *Eid-ul-Fitr* à Flacq, Mardi le 18 Juillet 2017 fine fer beaucoup fracas contre l'honneur et bane valeurs de l'Islam. Li fine servi ene langage ki salir l'enseignement de l'Islam et ki pas fine réfléchir couma ene bon musulman bizin agir, et li fine osé dire sa dans ene l'assemblée ki ti supposé prône bane valeurs de l'Islam, mais au contraire, ki fine arriver? Avec sa bane paroles ki li fine dire là, malgré ki li entouré de plusieurs bane *Mawlana*s, li fine fané par so mauvais langage ki li fine servi contre le leader de l'Opposition Xavier-Luc Duval. Et personne à ce moment là pas fine arrête li.

Tous sa là fine déclencher dans parlement dans Private Notice Question (PNQ) par rapport au communiqué lor le Qatar (pou boycotte Qatar) ki fine tiré par VPM Soodhun en faveur de l'Arabie Saoudite. Et pour VPM Soodhun li fine vraiment blessé et fine bien affecter ki leader l'Opposition fine insulté le roi Salman. Alor pendant ene diner pour célébration *Eid-ul-Fitr* à Flacq, li fine dire: « ***Si couma dire***

***mo bodyguard li donne moi revolver, mo touye Xavier Duval dans Parlement. Mo touye li... Après sa-même ki appelle Jihad. Parski mo bien attassé avec l'Arabie Saoudite. »***

Dans so imbécilité, VPM Soodhun fine menace le leader de l'Opposition de mort et fine fer sa lien là en servant le mot *Jihad*, et li fine fer ene telle scandale kot li même (VPM Soodhun) li le responsable de tout sa, kot c'est li-même ki fine tire ene communiqué ki Maurice pé arrête tous bane relations avec Qatar et sa, c'est pas so rôle, so travail sa. Si ti bizin tire ene communiqué coumsa, c'est bien le premier ministre ki ti bizin tiré, et le ministère des affaires étrangères. Li fine fané, kot le 06 Juin 2017 li tire sa communiqué là, et astaire là dans célébration de *Eid-ul-Fitr* li pé menacé pour touyé et servi le mot *Jihad*.

So bane propos ki li fine servi li ene incitation à la haine racial. Maurice ene ti pays arc-en-ciel kot ena plusieurs cultures et religions et kot tous religions vivre en harmonie et sakaine respecter les autres so religion. Mais avec sa dérapage de Soodhun là par sa bane langages ki li fine servi là, sa fine faire polémique tous les jours. À cause ene Soodhun, l'islam ki pé blessé. La religion l'islam avec so bane excellent l'enseignement c'est ene religion ki prêche la paix et pou vive en paix pour ki les autres gagne la paix à travers ou comportement de paix.

Le leader de l'Opposition accuse VPM Showkutally Soodhun ki li fine enfreindre l'article 288 du code pénal et li fine dénonce bane fausses accusations ki VPM Soodhun fine fer lor li (Xavier Duval). Li fine dénonce bane propos ki VPM Soodhun fine attribué à li à tort, bane propos ki li pas fine dire concernant l'Arabie Saoudite et la foi musulmane. Donc, le leader de l'Opposition fine porte plainte contre VPM Soodhun sous le Prevention of Terrorism Act. Li fine dépose sa plainte là après ki VPM Soodhun fine menace li de mort.

Si VPM Soodhun fine servi le mot *Jihad* sans ki li conné ki li pé dire, eski li conné ki veut dire *Jihad*? Tout sa là fine provoque certain bane dimounes dans zot l'ignorance pou cause contre le *Jihad* kot indirectement zot cause contre l'islam. Ena pé dire ki *Jihad* veut dire violence, bombe, touyer, verse disang etc. Li malheureux ki péna aucaine Mawlana pas pé capave donne vrai signification *Jihad*.

Ou trouver, kan ou invente bane innovations dans l'islam, guette kot sa bane innovations là fine amène zot. Kot zot alle tire sa ki bizin faire Eid party ou

célébration *Eid-ul-Fitr* et soutire bane politiciens pour vine politize la fête de *Eid-ul-Fitr*? Pour gagne ene mois là, encore pé célébrer *Eid-ul-Fitr* et faire Eid party? Eski Hazrat Muhammad (saws) ti pé célébrer sa? Ki leçon nous fine tiré dans mois de Ramadhan? Et pendant Ramadhan et après Ramadhan mo fine cause lor là, ki Ramadhan ene mois béni kot ou prend ene grand bain spirituel et ou faire tous bane actions ki Allah (swt) fine dire ou faire et tous sa là c'est bane acte d'*Ibaadat* et après ene mois de Ramadhan kot le carême terminer, Allah (swt) satisfait avec ou, donne ou ene jour de contentement; c'est sa même ki nous appelle **Eid**.

*Eid-ul-Fitr* célébrer ene sel jour et le lendemain de Eid ou contigner reste ou bane *Roza Nafil* et sa mois d'entraînement, c'est ki li pou aide ou pou faire bane bonnes actions pou sa 11 mois ki vini après le Ramadhan. Parmi, ou bizin ene dimoune honnête, pas la guerre. Eski Ramadhan pas fine enseigne nous sa leçon là ki kan ene dimoune rode la guerre avec ou, ou bizin dire li ki ou *Roza*? Comme musulman ou gagne honteux séki VPM Soodhun fine faire et surtout après Ramadhan et li pé organise Eid party pour politize sa fête d'*Eid-ul-Fitr* là, pé gâte vrai valeur nous fête de Eid ki li bien sacré pour nous, bane musulmans, après ene mois de *Roza*, kot dans sa mois là même nous fine faire grand grand sacrifice dans tous so façons seulement pour la cause d'Allah (swt) et sa ene fête kot bane musulmans fine sacrifié et obéir zot Créateur pendant sa mois sacré et béni de Ramadhan là et c'est sa qualité dimoune là ki Allah (swt) fine donne zot ene jour de contentement.

Et alor, guette ki politicien en complicité avec bane Mullahs pé fer avec la fête de *Eid-ul-Fitr*. Guette ki kalité langage Soodhun fine servi après ene mois béni et sa fête *Eid-ul-Fitr* là Allah (swt) fine donne à bane *Muttaqi* comme ene jour de contentement, et dans ene diner, ene party, nom de dire lor *Eid-ul-Fitr* là même ki VPM Soodhun fine blesse l'enseignement de l'Islam et bane pratiques de nous bien-aimé Hazrat Muhammad (saws). Dans sa fête ki fine fer ene mois après sa fête sacré là, li ti bizin montrer li comme ene modèle pour bane musulmans. Pas zis li, mais nous tous, bane musulmans. Nous bizin ene modèle pour le monde et contigner lor sa bane bons actions ki nous fine faire dans mois de Ramadhan. Non plus nous menacé et servi bane mots *Jihad* et revolver comme menace de mort envers kikaine.

Eski sa même leçon ou fine tiré dans mois de Ramadhan et aussi tous sa bane Mullahs et bane les autres musulmans ki ti pé écoute li sa jour là, eski zot pas fine capave arrête li dans sa bane mauvais langage ki li fine servi contre le leader de

l'Opposition là? Et zot pou prétendre ki c'est zot ki bane vrai musulmans en tolérant bane mauvais kitchoses ki pé rentre dans l'Islam et là avec sa polémique lor *Jihad* là, zot pas pé défendre sa couma bizin kot tous les jours bane média pé crazer lor là et même beaucoup Mauriciens pé crazer et sa la haine raciale fine rentre dans lékaire contre bane musulmans.

De l'autre côté encore li malheureux ki ou trouve l'Association Musulmane Ahmadiyya fine faire Eid party Lundi le 17 Juillet 2017 kot invite politiciens prend la parole. Combien l'argent dépenser lor là et saki chagrinant invite politicien, et bane les autres invités, passe lor télévision kot pé montrer film 5<sup>ème</sup> calife. Sa même philosophie de zot Eid party? Et kan ou guette sa, tous sa bane Ahmadis ki ena dans Maurice là, ou trouve tous les temps même bofore, même famille ki divant-divant, pas trouve ti dimounes, ni bane pauvres. Ahmadiyya de Maurice fine aussi perdi le *Noor* d'Allah kan zot fine attrape fort la corde idole et largue la corde d'Allah. Et lor là *parda* péna kot ene madame Speaker l'Assemblée (Nationale) assize parmi ene tas z'hommes. Pas pou nannié Allah (swt) fine élève ene l'autre Jamaat et fine élève So serviteur choisi.

Donc, comme le serviteur choisi d'Allah de sa siècle là, c'est mo devoir pour donne bane explications bien détailler lor le mot *Jihad* kot ena bane extrémistes fine gâte et fine salir le mot *Jihad*.

Le terme *Jihad* li dérivé de *Jahada* ki veut dire faire bane grand z'efforts ou la lutte autant ki ene dimoune capave, ziska limites ki li capave réussi atteindre. Le *Jihad*, tel couma li paraite dans Quran Shareef, et non pas couma VPM Soodhun ou bien bane réseau terroristes ou bane dimounes ignorants dans le monde pé rode fer croire, li en trois (3) catégories:

- 1) *Jihad-i-Akbar* (Le plus grand *Jihad* ki exister)
- 2) *Jihad-i-Kabir* (Le grand *Jihad*)
- 3) *Jihad-i-Saghir* ou *Jihad-i-Asghar* (Pli tipti *Jihad*)

1) *Jihad-i-Akbar*, c'est combat ki nous faire sans cesse contre nous-mêmes, contre nous bane mauvais tendances et inclinations, contre nous *nafs* (ego). C'est sa ki pli grand combat ou *Jihad* ki exister et ki nous ena pou fer tous les jours de nous la vie. Et dans sa la lutte là, nous ena comme but pou sorti de l'état d'animal, ki à l'état sauvage et nous progresser dans nous l'état pou vine vraiment humain, et imbibé de bane valeurs morales et de la spiritualité.

2) *Jihad-i-Kabir*, c'est combat ou pluto devoir ki nous ena comme ene musulman pou propage le message de l'Islam, le message de la vérité autour de nous. Nous bizin rappelle ki Allah fine mette nous en garde dans Quran: « **Péna aucaine contrainte dans la religion** » (Al-Baqara 2: 257).

Nous devoir en tant ki musulman c'est pou répanne le message de la paix avec la paix et tranquillité du cœur. Et li bien défanne pou ki nous servi la force ou z'arme pou force dimounes reconnaite ki ena ene sel Allah ou pou rentre dans l'Islam malgré ki nous conné ki l'Islam c'est la meilleure religion et façon de vivre ki Allah fine établir pou nous afin ki nous réussi accompli le plus grand *Jihad* ki exister, c'est-à-dire, le *Jihad* contre nous propre *nafs*. Faudé nous fine réussi passe le cap de *Jihad-i-Akbar* pou ki nous capave vine dans ene position honorable et avec la paix et l'aide d'Allah pou appelle dimoune vers Allah, et vers l'Islam, c'est-à-dire, pou soumette nous complètement à Allah.

3) *Jihad-i-Saghir* ou *Jihad-i-Asghar*, c'est pli tipti *Jihad* ki ene dimoune fer, et li concerne principalement l'État. Et mo bizin mette l'emphase ici ki sa *Jihad* là li absolument ene *Jihad*, ene bataille ou combat ki nous fer, même si nous ena pou prend z'arme, mais selman et mo précisé, **selman pou défanne nous kan ena kit l'ennemi vini pou attaque nous**. Alor là, et là seulement ki nous ena permission de la part d'Allah et de so Rassool Hazrat Muhammad (saws) pou défanne nous. De toute façon, sa kalité *Jihad* là c'est séki bane les autres gouvernement non-islamique dans le monde dire: Ene la guerre défensive, ou légitime défense ou self-defense. Et *Jihad-i-Saghir* li ene *Jihad* ki nous fer en défensif pou protège nous la vie et l'honneur en tant ki ene musulman, et comme bane protecteurs de la religion de l'Islam, selman kan l'ennemi vini avec l'intention pou fini l'Islam. Sa *Jihad* là alor li nek ene la guerre défensive et non offensive.

*Jihad-i-Saghir* li pas veut dire alle attaque ou bane les autres frères musulmans ou bien même ou bane frères non-musulmans pou prend zot positions mondaines, zot bane dibiens et pouvoirs mondaines ki zot ena. Li pas veut dire, touyer pou gagne bane terrains et royaumes. Nous établir le *Jihad-i-Saghir* selman pour la cause d'Allah pou préserve l'identité et présence de l'Islam dans le monde. Et sa *Jihad* là li capave même être fait sans z'armes. Si arriver ene dimoune vini pou vine touye ou selman à cause ou ene musulman, alor si ou pas ena z'armes couma revolver, alor par ou bane bons paroles et par la volonté d'Allah avec ou *duahs*, sa dimoune là toute suite so lécoeur capave changer et li arrête fer ou ditort, et li

capave même vine musulman. Ene l'exemple bien approprié de sa, c'est saki ti passé dans l'époque de Hazrat Muhammad (saws) au commencement de l'Islam quant Umar ibn Al-Khattab, ki ti ene l'ennemi acharné de l'Islam fine prend so l'épée pou vine touye le Prophète d'Allah (saws) mais en route li fine apprane ki so sœur et so beau-frère fine accepter l'Islam. Alor li fine change so direction et fine alle kot so sœur et so beau-frère kan li fine tende sa. Alor, li ti alle avec so l'épée et avec ene grand colère vers la caze de so sœur mais kan li fine arriver, à ce moment là li fine entende récitation de Surah Taha.

Au commencement, li fine commence la guerre avec so sœur et beau-frère mais kan li fine blesse so sœur, li fine regretter et li fine demande pou lire bane révélations divines ki zot ti pé réciter. So sœur fine dire li alle purifier li avant ki li touche bane paroles d'Allah. Li fine alle purifier li et vini et lire bane versets de Surah Taha. Ensuite li fine alle kot le Saint Prophète Muhammad (saws) mais au lieu li touye li couma li ti ena l'intention pou fer, so lécoeur ki avant ti ena ene grand la haine pour l'Islam fine finalement céder à l'Islam et li fine vine musulman. Et après li fine apprane ki Hazrat Muhammad (saws) ti fer ene *duah* pou li ou sois Abu Jahl - deux grand l'ennemi de l'Islam - pou vine musulman. Alor là-dans ena ene grand leçon pour nous bane musulmans. Par *duah* saki impossible capave vine possible par la grâce d'Allah. Ene grand l'ennemi de l'Islam fine vine par la suite ene de bane plus grand protecteur de l'Islam, le deuxième Calife de l'Islam, et ki aujourd'hui nous appelle li par Hazrat Umar *Al-Farooq* (c'est-à-dire, Celui ki fer distinction entre le bien et le mal).

Prend l'exemple lor le plus grand prophète ki fine exister, nous bien-aimé prophète Hazrat Muhammad (saws). Li pas fine fer aucaine *Jihad* pour so propre cause ou bien family feeling. Li fine fer tous bane batailles dans tous bane formes ki exister seulement pour gagne le plaisir d'Allah et sous l'instruction divine seulement afin pou protégé l'honneur, l'identité et présence de l'Islam dans l'Arabie et dans le monde.

Même kan bane l'ennemies fine provoque la mort de so propre tiffille - Zaynab [*et aussi ti zenfant*], li pas fine tire vengeance personnelle, mais li fine montrer l'exemple comme ene humain parfait, et ene prophète parfait, en gardant à l'esprit dignité et l'honneur d'Allah, et li fine pardonne à l'assassin de so tiffille [*et so ti zenfant*]. Tous so bane actions ti basé dans préservation de la religion par excellence d'Allah, afin pou change lécaire de sa bane dimounes là et zot reconnaite la grandeur d'Allah. Bien sûr, li pas ena pouvoir pou change lécaires

dimounes, mais Allah fine aide li beaucoup, ki, kan li fine fer bane zéfforts ki bizin, alor Allah aussi fine mette So souffle dans so zéffort et fine change bane lékaire barbares et fer zot vine musulmans. Coumsa même, par l'aide d'Allah, Hazrat Muhammad (saws) fine réussi enseigne à bane dimounes couma pou fer *Jihad-i-Akbar*, *Jihad-i-Kabir* et *Jihad-i-Saghir* dans tous niveaux de zot la vie.

Voici vrai explication de *Jihad* ki beaucoup de bane musulmans reste ignorant lor là. Mo espérer ki sa capave profite nous bane membres, mo bane chers disciples dans le Jamaat Ul Sahih Al Islam et nous bane les autres frères et sœurs musulmans de par le monde, ainsi ki bane non-musulmans ki envie conné ki été vraiment *Jihad*. *Jihad* c'est pas ene mot ki kan nous tender, nous gagne peur. Au contraire, *Jihad* c'est ene plus joli nom ki ena pou représente nous combat légitime (or non pas illégale) pou répanne la paix dans le monde, pou répanne le vrai Islam, **Sahih al Islam**. *Insha-Allah, Ameen*.